



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-240-5/22**
Datum: **01.08.2022.**

«Agencija za vodno područje rijeke Save» Sarajevo rješavajući po zahtjevu pravnog lica „EL TORO“ d.o.o. Bugojno za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta i ispuštanje tehnoloških otpadnih voda iz objekta za klanje krupne stoke i preradu mesa i depoa za privremeni smještaj stoke koja se nalazi u naselju Glavica, općina Bugojno, na osnovu člana 109. stav 1. točka 1. i stav (2) točka 1. Zakona o vodama («Službene novine Federacije BiH, broj 70/06») i člana 200. stav (1) Zakona o upravnom postupku («Službene novine Federacije BiH», broj 2/98 i 48/99), donosi:

R J E Š E N J E **o vodnoj dozvoli**

1. Daje se vodna dozvola pravnom licu „EL TORO“ d.o.o. Bugojno za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta i ispuštanje tehnoloških otpadnih voda iz objekta za klanje krupne stoke i preradu mesa koja se nalazi u naselju Glavica, općina Bugojno, na zemljištu označenom kao k.č. broj: 1370/3 (940/4), K.O. Glavica, općina Bugojno.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za korištenje vode i ispuštanje otpadnih voda, a za čije izdavanje je nadležno Ministarstvo poljoprivrede, šumarstva i vodoprivrede Kantona Središnja Bosna, u skladu sa članom 139. stav 2. točka 1. i 2. Zakona o vodama («Službene novine Federacije BiH» broj 70/06).
3. Vodna dozvola se daje na osnovu pregleda dostavljene dokumentacije, izvršenog uviđaja, utvrđenog činjeničnog stanja i uz slijedeće uvjete:
 - 3.1. Da se upotreba i korištenje predmetnog objekta vrši u skladu sa njegovom prirodom i namjenom.
 - 3.2. Da podnosilac zahtjeva u toku važenja ovog Rješenja, izradi i revidira investiciono-tehničku dokumentaciju, urađenu na razini Glavnog projekta, u kojoj će se obuhvatiti prikupljanje, prečišćavanje i ispuštanje otpadnih voda koje nastaju na predmetnom lokalitetu i objektu (tehnološke onečišćene vode nastale u procesu klanja krupne stoke i prerade mesa, štale za prihvata stoke, sanitarno-fekalne i oborinske onečišćene vode) u definirani recipijent, a sve u skladu s odredbama odredbama članova 14. i 15. stav (4) (Prilog 8.) Uredbe o uvjetima ispuštanja otpadnih voda u prirodne recipijente i sisteme javne kanalizacije («Sl. novine Federacije BiH», broj: 26/20 i 96/20).
 - 3.3. Da se u toku važenja ovog Rješenja izvrši izgradnja svih objekata koji će biti predviđeni dokumentacijom iz točke 3.2 ovog rješenja, posebno sljedećih objekata; vodonepropusne betonske osočne jame za prihvata osoke iz štale za jednodnevni prihvata stoke kao i lagune za skladištenje đubriva. Potrebno je preračunati zapreminu istih u skladu sa kapacitetom štale, sustav odvodnje tehnoloških voda iz klaonice (sabirne kanalice, slivnike, mastolove, taložnike kao i separator). Da se đubrivo iz štale za prihvata stoke, a nakon sazrijevanja u izgrađenom betonskom spremniku (laguni), aplicira na poljoprivredne površine u skladu sa pravilima dobre poljoprivredne prakse i van područja vodnog dobra i zona sanitarne zaštite izvorišta vode za piće, a u cilju zaštite površinskih i podzemnih voda.
 - 3.5. Da se procjedne vode iz lagune priključe na osočnu jamu.
 - 3.6. Da se spriječi nekontrolirano rasipanje đubriva i osoke po okolnom zemljištu.
 - 3.7. Da korisnik navedenih objekata za vrijeme trajanja ove dozvole, osigura da se otpadne vode iz klaonice nesmetano sakupljaju i odvođe do objekata predviđenih za tretman otpadnih voda, a zatim ovako tretirane vode ispuštaju u mjesnu kanalizaciju s ispustom u recipijent-lokalni vodotok-potok.

- 3.8. Objekte čija je svrha odvođenje i prečišćavanje onečišćenih voda (taložnici, separator ulja i masti, slivnici i rešetke, kanalizacijska mreža) treba redovno održavati i koristiti na način koji će osigurati njihovu potpunu ispravnost i funkcionalnost.
- 3.9. Čišćenje i pražnjenje uređaja za tretman otpadnih voda može vršiti isključivo firma ovlaštena za tu vrstu djelatnosti, prema posebnom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja iz taložnika i separatora ulja i masti, neophodno je voditi službenu evidenciju i arhivu.
- 3.10. Projektnom dokumentacijom predvidjeti da se na odvodu tehnoloških otpadnih voda, a nakon uređaja za prečišćavanje, izgradi reviziono okno koje će služiti kao okno za monitoring, a sve u skladu sa članom 8. stav (8) Uredbe o uslovima ispuštanja otpadnih voda u prirodne recipijente i sisteme javne kanalizacije.
- 3.11. Da se redovno vrši monitoring prečišćene otpadne vode iz okna za monitoring shodno članu 19. i 20. Uredbe o uvjetima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa članom 23. iste Uredbe.
Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uvjetima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13 i 26/14).
- 3.12. Zbrinjavanje otpadnih materija, koje se mogu javiti u tehnološkom procesu (kosti, papci, rogovi, iznutrice, krv i drugi otpad od klanja), vršiti u skladu sa Zakonom o veterinarstvu, Pravilnikom o načinu postupanja sa životinjskim lešinama i otpadom životinjskog porijekla i propisima iz oblasti zaštite okoliša, a u cilju zaštite voda, tla, zraka i dr..
- 3.13. Krv od iskrvavljenja, nakon klanja, sakupljati u posebne posude adekvatnog kapaciteta i sa odgovarajućim poklopcem. Konačno zbrinjavanje krvi vršiti u skladu sa propisima iz oblasti veterinarstva.
- 3.14. Da se kod održavanja poslovnog objekta praktikuju suho čišćenje radnih površina i opreme, prije pranja vodom, kako bi se smanjila količina otpadnih voda i teret zagađenja, a time i racionalno koristila voda.
- 3.15. Da se spriječi nekontrolisano rasipanje tečnog i krutog otpada po okolnom zemljištu te da se aplikacija đubriva na poljoprivredne površine vrši u skladu sa pravilima dobre poljoprivredne prakse i van područja vodnog dobra i zona sanitarne zaštite vode za piće, a u cilju zaštite podzemnih i površinskih voda.
- 3.16. Da se, u skladu sa propisima iz oblasti zaštite okoliša, vrši sigurno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.17. Otpad koji nastaje u postupku klanja i obrade trupala kao i drugi nusproizvodi, te mulj iz postrojenja za prečišćavanje otpadnih voda ne smije se odlagati na česticu «vodno dobro», odnosno u vodotoke i na njegove obale.
- 3.18. Da se za sve izgrađene objekte koji će biti definirani projektnom dokumentacijom iz točke 3.2., ovog Rješenja kao i postojeće, od nadležnih institucija ishodi upotrebna dozvola.
- 3.19. Da se od nadležne institucije ishodi okolišna dozvola.
4. Vlasnik, odnosno korisnik objekta je obavezan voditi propisane evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 17. tabele te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.

5. U periodu važenja ove dozvole, investitor odnosno korisnik „EL TORO“ d.o.o. Bugojno je dužan provoditi sve mjere i aktivnosti propisane istom.
6. Ukoliko radom predmetnog poslovnog objekta dođe do promjene režima voda, a te promjene uzrokuju šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ovo rješenje može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta odnosno zaključka.
9. Ova vodna dozvola, shodno članu 117. stav 1. Zakona o vodama («Službene novine Federacije BiH» broj 70/06) se daje sa rokom važenja od 2 (dvije) godine od dana pravosnažnosti ovog rješenja.
10. Prije isteka važnosti ove dozvole vlasnik poduzeća „EL TORO“ d.o.o. Bugojno, dužan je da zatraži izdavanje nove vodne dozvole .

O b r a z l o ž e n j e

Pravno lice „EL TORO“ d.o.o. Bugojno, podnio je zahtjev za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta i ispuštanje tehnoloških otpadnih voda iz objekta za klanje krupne stoke i preradu mesa koja se nalazi u naselju Glavica, općina Bugojno, na zemljištu označenom kao k.č. broj 1370/3 (940/4), K.O. Glavica, općina Bugojno.

U provedenom postupku dostavljena je i pregledana sljedeća dokumentacija:

- Ovjerena kopija rješenja o registraciji u sudski registar, kod subjekta upisa broj: 051-0-Reg-11-000350 od 04.03.2011. godine, izdano od strane Općinskog suda u Travniku.
- Ovjerena kopija uvjerenja o poreznoj registraciji izdano od strane Porezne uprave – Kantonalni ured Novi Travnik od 11.01.2022.
- Ovjerena kopija rješenja o registraciji/upisu u Jedinostveni registar obveznika indirektnih poreza broj: 04/I-UPP/1-3298/07 od 01.08.2007. godine izdano od strane Uprave za indirektno-neizravno oporezivanje Banja Luka.
- Upotrebna dozvola za izgrađeni objekt br 01-350-342/88 od 01.07.1988.god izdano od Općinske komisije za privredu, društveno planiranje i financije općine Bugojno.
- Glavni projekt klaonice izrađen od „RO „ŠIPAD JANJ“ od 3/87 (vraćeno investitoru);
- „Glavni projekt štale za smještaj krava“ izrađen od strane „EDI-ING“ d.o.o. Donji Vakuf (vraćeno investitoru);
- Tehničko tehnološki elaborat „Klaonice zanatskog tipa za klanje krupne i sitne stoke“ iz 3/2004.god., (vraćeno investitoru);
- Projektno tehnička dokumentacija na razini glavnog projekta izrađena od strane „AJAN KONZALTING“ d.o.o Bugojno iz 08/2003.god., (vraćeno investitoru);
- Uplatnica po zaključku o posebnim troškovima.
- Izvještaj o monitoringu kvaliteta i kvantiteta otpadnih voda br.1436/19 izrađen od Inspekt-RGH d.o.o. Sarajevo od 11/2019.
- Uplatnice za uplatu upravne i administrativne takse .

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata („Službene novine Federacije BiH“, broj 31/15, 55/19 i 41/20), izvršen je uviđaj na terenu i tom prilikom sačinjen Zapisnik broj: UP-1/21-3-40-240-4/22 od 27.07.2022. na kome je konstatirano sljedeće:

Objekat za klanje krupne stoke i preradu mesa izgrađen je u naselju Glavica, općina Bugojno, na zemljištu označenom kao k.č. broj 1370/3 (940/4), K.O. Glavica, općina Bugojno i sastoji se od objekta za klanje krupne stoke i preradu mesa kao i od dvije štale za prihvata stoke. Projektom dokumentacijom, koja je dostavljen uz zahtjev za Vodnu dozvolu, a koja je navedena u dostavljenoj dokumentaciji, nije obrađen postupak ispuštanja i tretman tehnoloških otpadnih voda sukladno važećim propisima i iz tog razloga ova dozvola se daje na rok od dvije (2) godine.

Otpad koji nastaje u procesu klanja i obrade mesa odvozi lovačko udruženje iz Bugojna, a stajsko đubrivo se odvozi na zemljište koje je u vlasništvu podnosioca zahtjeva i koristi se u procesu đubrenja poljoprivrednih površina.

Tehnološke otpadne vode nastaju u procesu klanja i obrade mesa, preko slivnika i podzemnih kanala se odvodi u betonski separator a nakon toga u septičku jamu koja je sa prelivom spojena u upojni bunar. Čišćenje štala vrši se uz upotrebu vode pod tlakom i nastale onečišćene vode odvođe se do betonske lagune gdje se vrši i skupljanje đubriva.

Izveštajem o monitoringu kvaliteta i kvantiteta otpadnih voda br.1436/19 izrađen od Inspekt-RGH d.o.o. Sarajevo od 11/2019., ukazuje da su svi parametri prečišćenih otpadnih voda u granicama propisanih važećim uredbama.

Vodoopskrba je sa lokalne vodovodne mreže.

U cilju utvrđivanja činjenica vezanih za ispunjenje uvjeta u smislu izvršavanja obaveza propisanih tačkom 4. iz prethodnog Rješenja o vodnoj dozvoli (broj: UP-I/25-3-40-668-5/19 od 19.02.2020. godine) zatraženo je očitovanje Službe za prikupljanje prihoda od vodnih naknada ove Agencije po pitanju izmirivanja obaveza uplate posebnih vodnih naknada, tj. eventualnom dugu i visini duga podnosioca zahtjeva.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su ovim vodnim aktom, u točki 3. dispozitiva rješenja, shodno odredbama člana 116. Zakona o vodama, članova 12. i 13. Pravilnika o sadržaju, obliku, uvjetima i načinu izdavanja i čuvanja vodnih akata i Uredbe o uvjetima ispuštanja otpadnih voda u okoliš i sisteme javne kanalizacije propisani uvjeti kojih se korisnik pogona ima pridržavati.

Točkom 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07).

Na osnovu provedenog postupka i utvrđenog činjeničnog stanja, doneseno je rješenje kao u dispozitivu.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se predaje ovom organu neposredno ili preporučenom poštom. Žalba se taksira sa 15,00 KM administrativne takse.

Obrađivač akta:

Marko Barić, dipl.inž.građ.

Po ovlaštenju
Rukovodilac sektora za
izdavanje vodnih akata


Hariš Ališehović
Hariš Ališehović, dipl.inž.građ.

Dostaviti:

- „EL TORO“ d.o.o. Bugojno, Sultana Ahmeda 122, Bugojno.
- AVP Sava, ISV-vodna knjiga
- sektor 50
- ⊗ sektor 40 – arhiva
- Oglasna ploča- AVP Sava